

Der Linie E F liege. Dann liegt es stracks vnd gerad an der Linie A B, so
 stehet die Wand stracks vnd gerad gegen Mittag / nirgends hin / weder
 gegen dem Auff, noch dem Nidergang abweichend: liegt es in der qua-
 dranten einem / vnd erstlich auff der rechten seiten inn dem quadran-
 ten des Winckels E B, so zehle von E bis an den ort / da das Linealin
 mit obgemelter seiten den quadranten vberschneit / vnd wie viel gra-
 dus du alsdā findest / so viel gradus weicht dieselbige Wand oder Mawr
 von Mittag gegen Auffgang: ligt es aber auff der linckē seiten in dem an-
 dern quadranten des Winckels F B. so zehle abermal von E bis an den
 ort / da dz Linealin mit mehr obgemelter seiten den quadrantē vberschneit /
 vnd wie viel gradus du alsdann findest / so viel gradus weicht dieselbige
 Wand ob Mawr von Mittag gegen Nidergang: ligt aber endlich dz Li-
 nealin mit der seiten / mit welcher es inn dem Puncten A fest gemacht /
 stracks vnd gerad an der Linie E F, so weicht diese Wand oder Mawer
 gerad von Mittag 90 gradus, vnd stehet derowegen stracks entweder
 gegen Auff, oder Nidergang: gegen auffgang alsdann / wann das Line-
 alin auff der rechten seiten an A E, gegen Nidergang aber / wenn es auff
 der lincken seiten an A F lieget. Wer es aber sach / daß der Compas
 oder der Magnet / obgelehrter massen an das Linealin gefest / inn seinen
 gebührlichen rechten lager nicht kommen kondte / wie dann wol zuge-
 schehen pflegt / so thue im also: setz abermal den Compas mit der Ost, ob
 West seiten gerad an dz Linealein / doch also / dz die Suedseit nicht wie zu-
 vor nechst zu dir / sondern nach A von dir abwertz / die Nordseite aber
 nechst zu dir liegend befunden werde: wann solches geschehen vnd also
 der Compas / was die Sud, vñ Nordseit anlanget / vmbgekehret / so ruff
 abermahl das Linealin mit dem Compas so lang / bis der magnet oder dz
 zünglein des Compasses gerad inn seinem gebürlichen lager still stehet:
 hab alsdann / wann nemlich dz zünglein recht einstehet / abermal ganz
 fleissig acht auff das Linealin / ob es mit der seiten / mit welcher es in dem
 Puncten A fest gemacht (dann allezeit auff diese seiten allein wol zusehe)
 stracks an der Linie A B / oder in der quadranten einem / oder gerad an
 der Linie E F lize. Dann solt es stracks an der Linie A B ligend befunden
 den